



UNIVERSITÄTS-
BIBLIOTHEK
PADERBORN

Catalogus Episcoporum Hildesiensium

Letzner, Johannes

Hildesheim, [ca. 1690]

XXII. Bruno

[urn:nbn:de:hbz:466:1-64252](#)

XXI. BERNARDUS I. Comes de Rotenburg & Dominus in Walhusen, quod Dominium ejus dono Cathedralis Ecclesiæ possessionibus accessit, ob raram virtutem & prudentiam è Præpositura ad pedum Episcopale invitus & reluctans electus est Anno 1130 cum omnium gaudio. Anno 1131, cum Lothario Rege ac universis ferme Germaniaæ Episcopis Innocentio II. Pontifici adfuit in Leodiensi Concilio & in Autumno celeberrimum Concilium Rhenense cum S. Norberto Magdeburgensi Archi-Episcopo accessit, ubi effecit, ut in Divorum Catalogum referretur S. Godehardus. Cujus honori Templum & Monasterium Hildesii construxit ac fundavit: atq[ue] in illa sacra ejusdem Divi Lipsana, supplicatione solenni è summa Æde transtulit, plurimis subsecutis miraculis & beneficiis. Virginibus in Ringelheim reformationem recusantibus ex Ordine S. Benedicti Viros Religiosos substituit. Arcem & Comitatum Wintzeburg, morte Comitis per genium Pileolum, vulgo Hödeken dictum, sibi insinuatâ, recuperavit. Foundationem Monasterii Dernebor-gensis ratam habuit Anno 1143. Denique oculis captus, onus Episcopale resignavit: ac tandem Anno 1154. 20. Julii, post annos 23. in Episcopatu cum laude & sanctitate transactos, ad Superos abiit, corpus vero in Choro Templi S. Godehardi miraculis clarum requiescit.

XXII. BRUNO Ex familia Nobilium de Hotten seu Hottem, primò Decanus, deinde hujus Ecclesiæ Antistes Anno 1153. electus, pietate & literarum studiis mirifice fuit deditus, unde vel doctissimis

Etissimis istius seculi annumeratus est. Enituit in eo singularis morum suavitas, modestia, continentia, ac Deiparæ cultus, cœlesti beneficio ac visione approbatus. Primus B. V natalem cum octava celebrem habuit, totâque Diœcesi celebrandum præcepit. Arcem Wintzeburgensem turre pentagonâ communivit, Pagum Hottelem Ecclesiæ opibus adjunxit. Templum summum plurimis ornamenti, vestimentisque pretiosis, Bibliothecam libris instruxit: cumque decem annis laudabiliter præfuisset, obdormivit in Domino Anno 1164. 8. Octobris.

X X I I I. HERMANNUS Nobilis de Wennerde ex Præposito Collegiatæ Sanctæ Crucis ad mitram Hildesinam electus Anno 1164. Eâ fuit eruditione & eloquentiâ, ut adhuc Diaconus ad Imperatorem Fridericum omnium nomine excipendum Orator destinaretur, & coram ipso sæpius peroraret. Electus Præsul mox regalium investituram obtinuit & à subditis fidelitatis juramentum exegit. Animi demissione, mansuetudine, affabilitate & benevolentiâ in omnes fuit singulari: ardente cultûs Divini promovendi zelo & exemplo præfulsit; Eximiam in pauperes liberalitatem ostendit; dum enim in summa annonæ caritate alii frumenta reconderent, ipse unus horreo aperto pauperibus gratis, divitibus levi pretio vendidit. Anno 1172. In magno procerum Conventu primariam Urbis Brunswicensis Basilicam in honorem D. Blasii consecravit. Ob Patriæ devastationes, in terram sanctam iter suscepit, in quo naufragium passus arreptâ